

DIKTA

Dán divtta ii galgga analyseret, muhto guorahallat sisdoalu ja áigumuša. Lohkki divtta ja vástideahkki nu bures go vejolaš gažaldagaid mat leat olgeš kolonnas.

Golgi rattiin
Ijjaid
rohkosgiedáid
ánuhit
ahte

oainne mu
oainne mu

Sara Vuolab: *Gárži*. ČálliidLágádus. 2019.

- Maid jurddašeahppi go gullabeahhti sáni *golgi*?
- Manne son čállí geavaha sáni *ijjaid* mánggaidlogus, jáhkkibeahhti?
- Maid dikta muitala dutnje?

BARGOBIHTÁT

REFLEKTEREJEHKET JOAVKKUS:

OKTONASVUOHTA

1. Goas mii leat okto?
2. Mo sáhtta olmmoš šaddat okto?
3. Leago muhtimin buorre leat okto?
4. Mo sáhtta leat ovttas ollu olbmuiguin, muhto liikká leat okto ja oaidnemeahtun?
5. Juohke olbmos lea dárbu oidnot ja gullot ja searvat, manne nu lea, jáhkkibehtet?
6. Makkár vuodđodárbbut leat olbmos?
7. Maid sáhttit bargat jos ii oktage oainne min, ja mis ii leat oktage geaiguin gulahallat?
8. Dát dikta lea eksisteansiella. Maid dat mearkaša?
9. Muhtin eksisteansiella fáttát?
10. Lohket Sara Vuolab diktagirjji: *Gárži*.
11. Čállet eksisteansiella divttaid!

OAHPAHEADDJÁI:

8-9: Eksisteansiella:

Dovdduid birra, eallinbirgema birra, moraš, ráhkesvuohta, illu, ballu, imašvuohta.

Cavgilit lassin:

Karen Anne Buljo.

Šiellaspajal.

Davvi Girji. 2018-2.